

2799

227

ПОЛОЖЕНИЕ

о ПОЛЬЗОВАНИИ ВОДАМИ ДЛЯ ОРОШЕНИЯ ЗЕМЕЛЬ

ВЪ ЗАКАВКАЗЬ

и

ПРАВИЛА

для определенія существующихъ правъ

пользованія

օրոսительною водою.

ԿԱՆՈՆԱԴՐՈՒԹԻՒՆ

ԱՆԴՐԿՈՎԿԱՍՈՒՄ ՀՈՂԵՐԸ ՈՈՒԴՈՂ ԶԲԵՐԻՑ
ՕԴՏՈՒԵԼՈՒ ՄԱՍԻՆ

ԵԿ

ԿԱՆՈՆԵՐ

ՈՈՒԴՈՂ ԶԲԻՑ ՕԴՏՈՒԵԼՈՒ ԱՅՃՄ ԳՈՅՆՈՒԹԻՒՆ
ՈՒՆԵՑՈՂ ԻՐԱԽՈՒՅՆԵՐԸ ՈՐՈՇԵԼՈՒ ՀԱՄԱՐ

ТИФЛИСЪ.

Типогр. Канцел. Главнонач. гражд. ч. на Кавказѣ.

1892.

14356

9799
11

ПОЛОЖЕНИЕ
о пользовании водами для орошения земель
въ ЗАКАВКАЗЬЕ
и
ПРАВИЛА
для определенія существующихъ правъ
пользованія
оросительной водою.

ԿԱՆՈՆԱԴՐՈՒԹԻՒՆ


ԱՆԴՐԿՈՎԿԱՍՈՒՄ ՀՈՂԵՐԸ ՈՌՈԴՈՂ ԶՐԵՐԻՑ
ՕԳՏՈՒԵԼՈՒ ՄԱՍԻՆ

Եւ

ԿԱՆՈՆՆԵՐ

ՈՌՈԴՈՂ ԶՐԻՑ ՕԳՏՈՒԵԼՈՒ ԱՅԻՄ ԳՈՅՈՒԹԻՒՆ
ՈՒՆԵՑՈՂ ԻՐԱԽՈՒՆՔՆԵՐԸ ՈՐՈՇԵԼՈՒ ՀԱՄԱՐ

—
ТИФЛИСЪ.
Типогр. Канцел. Главнонач. гражд. ч. на Кавказѣ.
1892.



Բնագրի վրայ ՆՈՐԻՆ ԿԱՅՍԵՐԱԿԱՆ
ՄԵԾՈՒԹԵԱՆ ՍԵՐԻԱԿԱՆ ՃԵՌՔՈՎ
ԳՐՈՒԹԻ.

«Եղիցի ըստ այսմ»
Գատչինայում
Դեկտեմբերի 3-ին 1890 թ.

ԿԱՆՈՆԱԴՐՈՒԹԻՒՆ

ԱՆ ԴՐԿՈՎԿԱՆ ՀՈՂԵՐԸ ՈՌՈԴՈՂ (ՁՐՈՂ)
ՁՐԵՐԻց օգտուելու մասին:

ԸՆԴՀԱՆՈՒՐ ԿԱՆՈՆԱԴՐՈՒԹԻՒՆ:

1) Կալուածտտիրոջ (տիրապետի-հողատիրոջ) իրաւունքը Ձրերի վրայ, երբ նոքա դուրս են հոսում (անցնում են) մի տիրապետութեան սահմանից, սահմանափակվում է մասնակցութիւն ունենալու իրաւունքով այդ Ձրերու վրայ և ուրիշ կալուածտտիրերի (տիրապետերի) թէ ոռոգելու (հող Ձրելու) և թէ այլ նպատակների համար (յօդ. 26) այս կանոնադրութեան հիման վրայ: Այն Ձրերը, որոնք սկիզբն առնելով մի տիրապետութեան (կալուածքի) սահմանում՝ բնական ճանապարհով չեն դուրս հոսում այն տեղից միշտ կամ տարուան որոշ

Печатано по распоряжению Инспектора водъ на Кавказѣ.

ժամանակներին, գտնվում են կալուածատիրոջ (տիւրապետի-հողատիրոջ) բացառիկ անօրինութեան տակ:

2) Ոռոգման (հող ջրող) ջրից օգտուելու իրաւունքը հողի տիրապետութեան պատկանող մասն է և այդ իրաւունքը չէ կարելի (արգելում է) զիջանել (տալ) այն տիրապետութեան (կալուածքի) սահմանից դուրս:

3) Ոռոգման (ջրելու) համար մինչեւ այժմն գյութիւն ունեցող ջրից օգտուելու իրաւունքը պահպանվում է այս կանոնադրութեան մէջ ցոյց տրուած սահմաններով:

4) Ոռոգման ջրից օգտուելու իրաւունքները վաւերացվում են առանձին վկայականներով, որոնք տրուած են ջրերի վերատեսչից (ինսպեկտոր-վօդ) (յօդ. 8) ժամանակաւոր—դաւառական (օկրուժնի) և գլխաւոր (զբանի) ատեանների վճիւների հիման վրայ, որոնք տրուած կը լինին համաձայն սորա հետ կցուած կանոնների կամ այն թոյլաւութիւնների հիման վրայ, որ տուած կը լինին այս կանոնադրութեան 25 յօդուածում ցոյց տուած կարգով:

5) Կառավարութեան է վերապահուած անհրաժեշտ (հարկաւոր) դէպքում առուհանքների սիստեմը փոփոխելու իրաւունքը, բարեփոխութեան (լաւացնելու) և ջուր խնայելու նպատակով:

Ծանօթութիւն 1. Ոռոգման սիստեմի բարեփոխութեան ժամանակ ջրից օգտուելու համար արուած վկայականները վերապննութեան և համապատասխան ուղղութեան են ենթարկւում այն պայմանով միայն, որ իւրաքանչիւր մասն ունեցողին յատկացուի (հասնի) ոչ պակաս ջրի այն քանակութիւնից, որն որ առաջուց համարում էր նրա ոռոգելի (ջրելի) հողին:

Ծանօթութիւն 2. Եթէ որ ոռոգման սիստեմի բարեփոխութիւնը կատարուի այն ջրից օգտուելու մասն ունեցողների իրանց միջոցով, այն ժամանակ ջրի աւելորդը մնում է նրանց օգտին, բայց եթէ բարեփոխութիւնը կատարէ կառավարութիւնը (տէրութիւնը), այն ժամանակ ջրի աւելորդը մնում է իւր տնօրինութեան տակ, նոր բաժանողութիւն անելու համար:

ԶՐԵՐԻ ԳՈՐԾՆՐԸ ՎՃՌՈՂ ՀԱՍՏԱՏՈՒԹԻՒՆՆԵՐԻ
ՄԱՍԻՆ:

6) Անդրկովկասի ջրերը, որոնք ունին նշանակութիւն հողերը ոռոգելու (ջրելու), գտնվումեն Արքունի կալուածների նախարարութեան տնօրինութեան տակ և բաժանվում են Արքունի կալուած-

ների Նախարարի և Կովկասու քաղաքական բաժնի կառավարչապետի համաձայնութիւնով առանձին առանձին գաւառների (օկրուգ—մաշալ): Սպա կազմվում են իւրաքանչիւր ջրերից կամ ուրիշ ջրամբարներից, որոնք ջուր են մատակարարում մի ոռոգման սիստեմի:

Ծանօթաւելիւն. Նախագնաց կամ լաստարեր գետերի և լճերի ջրից օգտուիլը, ինչպէս նաև ոռոգման (հող ջրելու) նպատակին ծառայող ամենայն տեսակ շինուածների նրանց վրայ կառուցումը (շինել), որոնք հարկաւոր են ոռոգման համար, թույլատրվում են միայն նախապէս համաձայնութիւն կայացնելուց յետոյ—Արքունի Կալուածների ու ձանապարհների Հաղորդակցութեան ենթակայ հաստատութիւնների հետ:

7) Անդրկովկասի ջրերի բոլոր գործերի կառավարութիւնը յանձնվաւմ է ջրերի վերատեսչին (ինսպեկտօր վօդ), ոռոգման սիստեմների կառավարութիւնը իրենց տեղերում յանձնվում է ջրաբաշխ—ինժիներներին (ինժիներ—գիտարվալիկ): Ջրերի վերատեսչի ձեռաց տակ կայ մի իրաւագէտ խորհրդական (իւրիսկոնսուլտ) և դիւանատուն (կանցելիարիա): Իւրաքանչիւր ջրաբաշխ—ինժիների ձեռաց տակ կայ մի ուղղեցոյց (կոնդրուկտօր):

Ծանօթաւելիւն: Ջրերի վարչութեան պաշտօնեայ

անձանց գործողութեան կարգը որոշվում է Արքունի կալուածների նախարարի հրահանգներով:

8) Ջրերի վերատեսչի պարտականութեանցը վերաբերում են—ա) վերահասութիւն ունենալ տեղն ու տեղը ջրաբաշխ—ինժիներների ձեռնարկած աշխատանքների (շինութիւնների) վրայ. բ) յօրինել առաջարկութիւններ այն հարցերի մասին, որոնք ծագում են գործադրութեան մէջ եղած օրէնքների անլիութեան կամ անպարզութեան պատճառաւուս: գ) Ջրերի գաւառը (օկրուգմաշալ) գաւառակաների բաժանել և դ) ոռոգման սիստեմների ջրից օգտուելու իրաւունք ունենալու համար վկայականներ տալ: Ջրերի վերատեսուչը (ինսպեկտօր վօդ) մասնակցում է իրեւ ձայն ունեցող անդամ՝ կովկասու քաղաքական բաժնի Կառավարչապետի խորհրդարանին, երբ այնտեղ վճռվումեն նրա բաժնին վերաբերեալ գործեր:

Ծանօթաւելիւն. Ոռոգման տնտեսութեան բարեկարգութեանը ու զարգացմանը վերաբերեալ բոլոր ընդհանուր առաջարկութիւնները ջրերի վերատեսուչը (ինսպեկտօր վօդ) ներկայացնում է կովկասու քաղաքական բաժնի Կառավարչապետին, որը այդ առաջարկութիւնները իւր եզրակացութիւններով հաղորդում է Արքունի Կալուածների նախարարին:

9) Ջրաբաշխ—ինժիներների պարտականութիւն-

Ներին վերաբերում են. ա) ջրից օգտուելու իրաւունքը՝ ները որոշող գաւառական (օկրուժնոյ) ատեաններում՝ նախագահել. բ) վերահասութիւն ունենալ ջրերի գաւառական (օկրուժնոյ) հաստատութիւններում՝ ծառայող պաշտօնեաների գործողութիւնների վրայ. գ) իւրաքանչիւր գետի աւազանի գործադրութեան մէջ եղող ջրանցքների յատակագծերը. (պլան) կազմել. դ) գետերի և առուհանքների ջրի քանակութիւնն և ոռոգելի (ջրուելու) տափերի տարածութիւնը որոշել. ե) ոռոգման ծառայող շինութիւնների համար նախագծեր (պրոյեկտներ) կազմել. զ) յայտնի կացուցանել ազատ ջրերի քանակութիւնը և նմանապէս այն տեղերի (տափերի) քանակութիւնը, որոնք պահանջում են նորից ջուր հանել, ցամաքայնել կամ հեղեղներից ազատել. է) այդպիսի աշխատութեանց կատարելու համար նախագծեր (պրոյեկտներ) և նախահաշիւներ (սմետներ) կազմել և ը) սահմանուած կարգով հաստատութիւն ստացած նախագծերն իրագործել:

10) Տարուան որոշ ժամանակին Թիֆլիզում կազմվում է ջրաբաշխ-ինժինիրների ժողով (սընդդ) իրաւագէտ խորհրդականի մասնակցութեամբ և ջրերի վերատեսչի նախագահութեամբ: Այս ժողովի իրաւասութեան վերաբերող գործերն են. ա) վնասութիւն այն խնդրագրերի, որոնք վերաբերում են ազատ

ջրերի գուրս հանելուն, ոռոգման կարեւոր հետազօտութիւններ ձեռնարկելուն, և արքունի կամ մասնաւոր անձանց պատկանող հողերով առուհանքներ անցկացնելուն, և այդ բանի համար կազմուած նախագծերի հաստատութիւնը. բ) վնասել ու հաստատել ջրաբաշխ-ինժինիրների կազմած նախագծերը և նախահաշիւները (յօդ. 9), որոնք կազմած կը լինին գործադրութեան մէջ եղած առուհանքների սիստեմների բարեփոխութեան (լաւացնելու) մասին, նոր ջրամբարներ շինելու կամ թէ ոռոգման, ցամաքեցնելու և այլ այդպիսի շինութիւններ կառուցանելու և գ) իւրաքանչիւր ջրաբաշխ-ինժինիրների առաջիկայ տարուան համար կազմած զբաղման ծրագրի (պլանի) հաստատութիւնը:

11) Ջրի գաւառի (մահալի-օկրուզի) գործերի կառավարութիւնը յանձնվում է նոյն մահալի ջրից բոլոր օգտուօղներից ընտրուած պատգամաւորների խորհրդին, գաւառական ջրաբաշխին (միրաբին), առուների վերակացուներին (ջուարներին) և ջրպետներին (վօդնի ստարատաներին):

12) Նախընթաց (11) յօդուածում յիշուած բոլոր պաշտօնատար անձինք ընտրութիւնով են նշանակվում և թոյլատրութիւն են ստանուած իւրեանց պարագաներութիւնները կատարելու, ջրի գաւառից (մահալից) ընտրուած պատգամաւորները և դա-

ւառի ջրաբաշխը (օկրուժնոյ ստարշինա) — միրաբը՝
նահանգապետից. իսկ առուների վերակացուները
(ջուարները) և ջրբակետները (վօդնի ստարոստա)
գաւառապետից (ուեղինի նաշալնիկից):

Ծանօթաւելիւն 1. Զրի գաւառից (օկրուզից — մաս-
հալից) ընտրուած պատգամաւորներին և գաւառի
ջրաբաշխն (օկրուժնոյ ստարշինին — միրաբին) փո-
խարինողներ (կանդիտատներ) են ընտրվում:

Ծանօթաւելիւն 2. Զրից օգտուելու մասնակ-
ցութիւն ունեցող անձանց հրաւիրելու և ընտրու-
թիւններ կատարելու կարգը որոշում է Արքունի
կալուածների Նախարարը համաձայնութեամբ Ներ-
քին գործոց Նախարարի և կովկասու քաղաքական
բաժնի կառավարչապետի:

Ծանօթաւելիւն 3. Մինչև գաւառում (օկրուզմա-
հալ) Զրից օգտուողների իրաւունքների որոշելը և
ընտրողական ցենզի որոշումն, այժմն գոյութիւն ու-
նեցող ընտրական կարգը պահպանվում է:

13) Զրերի հաստատութիւնների պաշտօնեայ
անձինք իւրեանց պաշտօնն անկարդ կատարած դէպ-
քում հեռացվում են իրենց պաշտօնից ժամանակա-
ւորապէս — գաւառի ջրաբաշխները՝ (օկրուժնի ստար-
շինա — միրաբն) Զրերի վերատեսչի ձեռքով (ինսպեկ-
տոր վօդ) նահանգապետի հետ համաձայնութիւն
կայացնելուց յետոյ. առուների վերատեսուչները՝

(ջուարները) — ջրաբաշխնիրների ձեռքով, հա-
մաձայնութեամբ գաւառապետների (ուեղինի նա-
շալնիկների), ջրպետները՝ (վօդնի ստարոստա) Զրից
օգտուողների ժողովով, իսկ բոլորովին հրաժարեցն-
վում են (Հեռացնվում են) իրենց պաշտօնից այն
իշխանութիւնների միջոցով, որոնցից իրաւունք էին
ստացել իրենց պաշտօնները կատարելու (յօդ.
12):

14) Զրի գաւառից (մահալից — վօդնի օկրու-
զից) ընտրուած պատգամաւորների խորհուրդն
ընտրվում է Զրից օգտուելու մասնակցութիւն ու-
նեցողներից երեք տարի ժամանակով. սորա համար
Զրի գաւառի (վօդնի օկրուզի-մահալի) իւրաքանչիւր
գաւառակը ընտրում է մի պատգամաւոր. խորհրդի
պարտականութիւնն է — ամերող Զրի գաւառի (վօդ-
նի օկրուզի-մահալի) շահերին վերաբերող հարցերի
վճռելը, որ են — ա) Զրի կանոնաւոր բաժանումը իւ-
րաքանչիւր գիւղի կամ առանձին տիրապետու-
թեան սահմանին հասցնող առուհանքների մէջ. բ)
խիստ երաշտութեան տարիներում ժամանակաւոր
ջուր բաժնելու կարգի հաստատելը. գ) առուհանք-
ների ափերին ծառեր ու թփեր տնկելու իրաւունք
տալը, անկելու հնարների և տունկերի տեսակների
ցոյց տալը. դ) առուհանքների, նրանց ձիւղերի և
այլ շինուածների վերանորոգութիւնը և նոր շինու-

թիւնների համար եղած աշխատութիւնների բաժանումը, ե) այն գումարների որոշումն և բաժանումը ջրին մասնակցութիւն ունեցողների մէջ, որոնք հարկաւոր են շինուածքների և ջրանցքների վերանորոգութիւնների ու ջրի գաւառի (օկրուգ-մաշալ) պաշտօնատար անձանց, բացի ջրպետներից (վօդնի ստարստաներից), ռոճիկներ տալու համար. զ) թոյլտութիւն տալ օտարի հողով ջուր անց կացնելու կամ օտարի առուհանքից օգտուելու այն դիպուածում, երբ հեղեղը տարած լինի առուհանքների գլխերի շինուածքները երկիրը ռոռոգելու ժամանակ (ըջան) և անհնարին լինի այդ շինուածքները նորոգել ջրի իջնելուց (պակասելուց) առաջ. է) գաւառի սահմաններում ռոռոգման (հող ջրելու) և ցամաքացնելու համար շինուածքներ շինելուն պէտք եղած հողերի գնահատութիւնը (ացենկան), եթէ յօժարակամ համաձայնութիւն չի կայանայ կողմերի (փիճողների) մէջ: Խորհրդին նախադաշում է գաւառի ջրաբաշլը (միրաբը):

15) Գաւառի ջրաբաշլը (կամ միրաբն) ընտրվում է երեք տարի ժամանակով բոլոր ջրի գաւառի (մահալի) ջրից օգտուելու մասնակցութիւն ունեցողներից: Երա պարտականութիւններն են—ա) ջրի բաժանումը այն առուհանքների մէջ, որ ջուր են

հանում բնական ջրամբարներից կամ հիմնական առուհանքից. բ) վերահասութիւն ունենալ ջրի վերակացուների (ջուարների) գործողութիւնների վըրայ. գ) վերականգնել ջրից օգտուելու խանգարած կարգը, բացի այնպիսի խանգարումներից, որ վերաբերում էն ջրի ներքին բաժանմանը գիւղերում ու քաղաքներում, որոնք ջրպետների (վօդնի ստարոստաների) իրաւունքին են վերաբերում: դ) ստիպել ջրից օգտուելու մասնակցութիւն ունեցողներին, որ ջրի վերակացուների (ջուարների) օրինաւոր պահանջները կատարեն և է) վերահսկողութիւն ունենան ջրի պակասութեան ժամանակ նշանակած ջրով օգտուելու հերթի ճիշդ պահպանութեանը:

16) Առուների վերակացուն (ջուարն) ընտրվում է մէկ տարով ուռոգման (հող ջրելու) առուհանքի ջրից օգտուելու մասնակցութեան իրաւունք ունեցողներից: Երա պարտականութիւններն են—ա) հսկել առուների կարգին պահպանութեանը, առուհանքի գլխից ներս հսուղ ջրի քանակութեանը և առանձին առանձին գիւղերի և հողային տիրապետութիւնների առուների մէջ հսուղ ջրերի բաժանման վրայ և բ) ջուրը պահպանել յափշտակութիւնից: Առուների վերակացուն (ջուարն) իրաւունք ունի իւր նկատած ջրից օգտուելու համար որոշուած կարգի պատահած շեղումներին վերջ դնել, յայտ-

նելով այդ մասին գաւառի (օկրուգի, մահալի) ջրաբաշխին (միրաբին): Վերջինս իրաւունք ունի առուների վերատեսչի (ջուարի) կարգադրութիւնը փոխել:

17) Ջրպետն (վօդնիւստարսասան) ընտրվում է մէկ տարով, իւրաքանչիւր զիւղի կամ քաղաքի ջրից օգտուող մասնակիցներից: Նրա պարտականութիւններն են—ա) վերահասու լինել ջրի բաժանմանը ջրատերերի մէջ և իւրաքանչիւր զիւղի կամ քաղաքի առուների կարգին պահպանութեանը. բ) ջուրը պահպանել յափշտակութիւնից. գ) Ջրից օգտուելու համար որոշեալ կարգի շեղումների առաջն առնել և դ) վերականգնել խանգարուած իրաւունքները:

18) Ջրի գաւառի (օկրուգի-մահալի) պաշտօնատար անձինք իւրեանց պարտականութիւնները անկանոն ու անհոգութեամբ կատարելու համար, դրամական տուգանքի են ենթարկում մէկ ոռւբլուց մինչև յիսուն ոռւբլի ջրաբաշխինժինիրերի վճռով: Այդ վճռիոների զէմ եղած բողոքները (գանգատները) պէտք է տրուին ջրերի վերատեսչին (ինսպեկտոր վոր):

Ծանօթութեան: Տուգանքի փողերը գործ են զըրվում ջրի գաւառի (օկրուգ-մահալ) ոռոգման (հող ջրելու) պէտքերի համար:

ՈՌՈԴՄԱՆ (ՀՈՂԵՐԸ ԶՐՈՂ) ԶՐԻՑ ՕԳՏՈՒԵԼՈՒ ԿԱՐԳԻ ՄԱՍԻՆ:

19) Ջրից օգտուելն այն չափով՝ որ որոշուած է այդ մասին տուած վկայականներում, կատարվում է այն կարգով, որ ցոյց է տուած Ջրից օգտուելու իրաւունքները որոշող ատեանների վճիռների և նրանցը կցուած ցուցակների (վէրոմուստների) մէջ:

20) Քաղաքներում և գիւղերում ջրից օգտուելու կարգը սահմանվում (որոշվում է) է Ջրից օգտուողների ժողովի վճռով: Ընդհանուր կալուածքի մասնակից տիրողները, որոնք օգտուում են առանձին առանձին բաժիններով (մասերով), փոխադարձ համաձայնութիւնով կազմում են ջրից օգտուելու կարգի ցուցակը: Այդպիսի մի ցուցակ ևս կազմում է այն կալուածքի տիրապետը, որը տուած է օգտուելու մի քանի անձանց:

Ծանօթութեան: Այս յօդուածի հիման վրայ կազմուած վճռիոները և ցուցակները ներկայացնվում են ոռոգման (հող ջրելու) ժամանակի հասնելուց առաջ հարկ եղած պաշտօնական անձանց:

21) Հոսող ջրի քանակութիւնը ճիշդ և միակերպ որոշելու համար չափսի միութիւն է ընդունվում բաշը:

Ծանօթութեան: Բաշն հաւասար է 1/400 խորա-

նարդ սաժինի և բաժանվում 25 լիտրի, այսինքն
այնքան մասերի, որոնցից իւրաքանչիւրը հաւասար
է $\frac{1}{10\cdot000}$ խորանարդ սաժենի:

22) Իւրաքանչիւր մասնակցողին պատկանող
ջրի բաժինը որոշվում է բաշի հաշուով վկայական-
ներում, որ տրւում են ջրից օգտուելու համար և
բաժանվում է ամեն մի զինաւոր և թէ երկրորդա-
կան առուհանքի դիմուց կամ ամեն մի ջրանցքի սկզբ-
րից: Բնական ջրամբարներում ջրի պակասելու և
աւելանալու ժամանակ մասնակցողներուն արուելու
ջրի քանակութիւնը փոփոխվում է համեմատ ջրի
պակասելուն կամ աւելանալուն:

Ծանօթութեն: Բաշերի հաշիւր կատարվում է
(որոշուում է) ամարային ոռոգման (հող ջրելու) ժա-
մանակին ծախսուած ջրի քանակութեան միջին հա-
շուով, բայց եթէ հարկաւոր լինի, նաև ոռոգման
գործանային և աշնանային ըլջաններում:

23) Ոռոգման առուհանքների և ջրանցքների
ջրից օգտուողներից ամեն մէկը մասնակցում է անձ-
նական աշխատանքով կամ դրամական վճարներով,
համեմատ իւր ջրից օգտուելու չափին, ջրերի շի-
նութիւնների պահպանութեան, վերանորոգութեան
(բեմօնտ) և նրանց կառավարութեան մասին պա-
հանջուած ծախքերին:

24) Աղատ ջրից օգտուելու համար իրաւունք

ստանալու խնդրագրերը տրվում են ջրաբաշխ-ինժի-
ներին, որ իւր եզրակացութիւնով այդ ներկայաց-
նում է ջրերի վերատեսչին, ջրաբաշխ-ինժիների
ժողովի մերձաւոր նատաշրջանի (սլեզի) քննութեանը
ներկայացնելու համար: Այս ժողովը համոզուելով,
որ խնդրած ջուրն կարելի է և օգտակար է տալ,
տալիս է թոյլատւութիւն անհրաժեշտ հետազօ-
տութիւններն անելու և շինութիւնների մանրա-
մասն նախագիծը (պրօյեկտը) կազմելու, այդ բանի
համար որոշուած ժամանակամիջոցի ընթացքում:

25) Ջրաբաշխ-ինժիներների ժողովը, կազմուած
նախագիծը բաւականացուցիչ համարելով, հաստա-
տում է այդ՝ և եթէ արտահանելու ջրի քանակու-
թիւնը 10 բաշից աւելի չէ, թոյլ է տալիս աշխա-
տանքները կատարելու, որի համար և ժամանակ է
նշանակում: Եթէ արտահանելու ջրի քանակութիւնը
10 բաշից աւելի լինի, ապա ջրի արտահանելը
թոյլատրվում է Արքունի կալուածների Նախարա-
րից, համաձայնութեամբ Կովկասու քաղաքական
բաժնի կառավարչապետի:

Ծանօթութեն: Նախագծերի (պրօյեկտների) լրա-
ցումները և փոփոխութիւնները, որոնք անհրաժեշտ
կերեան աշխատանքների կատարելու ժամանակ,
թոյլատրվում են վերատեսչից (Ծան. 7 յօդ.):

26) Երբ մի և նոյն ջուրը արտահանելու մա-



սին մի քանի խնդրագրեր են ներկայացուած միաժամանակ, այդ խնդրագրերը, իւրեանց պահանջի տեսակի համեմատ, հասուցում են ստանում հետևեալ կարգով. ա) խմելու, բնակիչների անային պէտքերի և անասուններին ջուր տալու համար. բ) Ոռոգելու (հող ջրելու) համար և գ) ջրաշարժու արդիւնագործական գործարանների համար:

27) Եթէ հետազօտութիւն կատարելու իրաւունք ստացողը չը ներկայացնի որոշեալ ժամանակին շինութիւնների նախազիձը (պրօյեկտ) և աշխատանքները ձեռնարկելու իրաւունք ստացողը որոշեալ ժամանակին չը վերջացնէ այդ աշխատանքները համաձայն հաստատուած նախազիձի, և ժամանակակէտի անցկացնելու պատճառները յարգելի համարուին, ապա յիշեալ անձանց նոր ժամանակակէտ է նշանակվում, իսկ երբ նոր ժամանակակէտում էլ անձիշդ գտնուին, նրանք զրկվում են ջրի իրաւունքից, թէ որ աչքի առաջ կայ մի ուրիշ այդ ջուրը խնդրող անձն:

Ծանօթաւելիւն: Յօդուած 24, 25 և 27 յիշուած ժամանակակէտների տեղութիւնները որոշվում են Արքունի կալուածների նախարարի հրահանգով (յօդ. 7 ծանօթ.):

28) Իւրաքանչիւր հողատէր պարտական է փոխարէնը վարձ ստանալով, իւր հողի միջով ձաւ-

նապարհ տալ այն ջրերին, որոնց անցկացնելը հարկաւոր է ջրից օգտուելու իրաւունք ունեցող անձանց, հասարակութիւնների և հաստատութիւնների այնպիսի պէտքերի կատարելու համար, որ նշանակուած են 26 յօդուածում, ու ոռոգուող հողերից ջրի աւելացած մասը դուրս հանելու համար:

29) Ջրից օգտուելու իրաւունք ստացող անձինք, հասարակութիւններն ու հաստատութիւնները կարող են, ջուր հանելու համար, ջրաբաշխինքներների ժողովի (արեգգ) թոյլատութիւնով իւրեանց ամբարտակները (կցել) շինել ուրիշներին պատկանող ափերի վրայ: Ափի տէրը դրա համար առանձին վարձարբութիւն է ստանում (յօդ. 31):

30) Օտարների (ուրիշների) հողերի վրայ առու հանքներ և ուրիշ շինութիւններ շինելու ժամանակ, դրանց համար պահանջուած հողի շերտի լայնութեան չափը որոշում է ջրաբաշխինքներների ժողովը շինութեան նախազիձի հաստատութիւններ միասին և սորա համար հաշուի է առնւում ոչ միայն նոյն շինութիւնների չափու, այլ նաև մըշակների անցուղարձի ձանապարհը, շինութիւնների նիւթերի դարսելու և առուհանքից հանած հողի և այդպիսի բաների բռնելու տեղը:

31) Առուհանքների և այլ շինութիւնների հա-

մար պէտք եկած հողերի օտարացումն (յօդ. 28, 29) և զրանց տէրերի համար վարձատրութիւն նշանակելը կատարվում է երկաթուղիների համար հողեր զիջանելու մասին եղած կանոնների հիման վրայ, միայն այդ կանոնների հետեւալ փոփոխութիւններով։ Տնտեսական հաստատ բնակութեան շինութիւնները (ուսազբա) չեն կարելի օտարացնել ոչ այլ կերպով եթէ ոչ աիրոջ համաձայնութեամբ։ Եթէ օտարացնելու հողը գտնըլովում է ջրի գաւառի (մահալի-օկրուգի) սահմաններում; այն ժամանակ թէ յօժարակամ համաձայնութիւն չէ կայանում կողմերի (հողատիրոջ և հող ստացողի) մէջ տրուելիք վարձատրութեան չափի մասին, վարձատրութիւնը նշանակվումէ գնահատութեան հիման վրայ, որ կատարում է ջրի գաւառից (մահալից-օկրուգից) ընտրուոծ պատգամաւորների խորհուրդը, ջրաբաշխներների մասնակցութիւնով։ Այս բանի մասին եղած խորհրդի վճիռների դէմ կարելի է բողոքել կովկասու քաղաքական բաժնի կառավարչապետին, որը վճռում է գանգատը գործը իւր խորհրդարաննում քննելուց յետոյ։

Ծանօթաթեւն։ Երբ առուհանքը շինվում է ոռոգումից յետոյ մնացած ջրի դուրս թողնելու համար, այն ժամանակ առուհանքին պէտք եկած հողի վարձատրութիւնը տրվում է միայն այն դիպուածքում,

եթէ հողի տէրը չէ կամենում օդառուիլ արտահոսող ջրից։

32) Եթէ ենթադրուած ջրի դուրս տանելու պատճառով մի հողի մասից կամ տնտեսական հաստատ բնակութիւնից օդառուելը դառնում է անկարելի, հողատէրն իրաւունք ունի 31 յօդուածում ցոյց տուած կարգով պահանջել ամբողջ հողի կամ անտեսական հաստատ բնակութեան դինը։

33) Ջրի տիրապետութեան իրաւունքը, որ հաստատուած է վկայականներով (յօդ. 4) կորուսանվում է՝ եթէ առուհանքը կամ ջրանցքը, անկարգ պահպանութեան շնորհիւ կամ ուրիշ պատճառներով, որ կախուած լինի նրանց աէրերից, մնացած լինին առանց համապատասխան դործածութեան հինդ տարուան ընթացքում։

34) Նախընթաց (33) յօդուածում ցոյց տուած դիպուածում ջրի իրաւունքից զրկուելու հետ միաժամանակ ջրատէրը զրկվում է և առուհանքի տակ եղած հողի շերտի տիրապետութիւնից։ Սորա հետ առուհանքի տիրոջը իրաւունք է տրվում յընթացս երկամեայ արտօնութեան ժամանակամիջոցի քանդել իւր շինուածքները։ Այս ժամանակամիջոցը անցկանալուց յետոյ չը քանդուած շինուածքները հողատիրոջ սեպհականութիւնն են դառնում։

ԿԱՆՈՆՆԵՐ

Ոռոգող (հող ջրող) ջրից օգտուլու այժմ
գոյութիւն ունեցող իրաւունքները որու-
շելու համար:

ԸՆԴՀԱՆՈՒՐ ԿԱՆՈՆՆԵՐ.

1) Ոռոգող ջրերից օգտուելու իրաւունքները
որոշելու ժամանակ իրեւ հիմունք ընդունվում են
բնակիչների ջրի կարօտութիւնը և ջրից օգտուե-
լու մասին դոյութիւն ունեցող իրաւունքը՝ որ վա-
ւերացուածէ տեղական աւանդական ռովորութիւն-
ներով, օգուտ քաղելու երկարամեայ աիրապետու-
թեան (գաւնօստ) իրաւունքով՝ որ պէաք է տեած
լինի յայտնի և անվիճելի կերպիւ շարունակաբար
տասը տարուց ոչ պակաս, ինչպէս նաև վկաների
ցուցմունքներով և գրաւոր ապացոյցներով:

2) Ոռոգող ջրից օգտուելու իրաւունքները
որոշելու համար սահմանվում են ժամանակաւոր
ատեաններ գաւառական (օկրուժնոյ) և զիսաւոր
(զլաւնի):

3) Իւրաքանչիւր գաւառական ատեանի սահմա-
նելու ժամանակը նշանակելը կախուած է ջրերի
վերատեսչից, որը այդ մասին յայտարարում է տե-
ղական պաշտօնական հրատարակութիւնների մէջ և
ծանուցանում է բնակիչներին ոստիկանութեան (պօ-
լիցիայի) միջոցով:

4) Յօդուած Յ-որդում յիշուած յայտարարու-
թիւնից յետոյ գաւարաններում դադարեցվում են
այն գործերի քննութիւնը, որ վերաբերում են գա-
ւառոի ջրերից օգտուելու իրաւունքներին, որոնց մասին
դեռ վճիռներ չեն տրուած կամ տրուած վՃիռները
օրինական գօրութեան մէջ չեն մտել: Այդ գործերը
յանձնվում են գաւառական (օկրուժնոյ-մահալի)
ատեանին անմիջապէս նրա բացումից յետոյ:

5) Ջրից օգտուելու իրաւունքները որոշելու
համար խնդրագրելու տրվում են ջրերի վերատես-
չին վեց ամսուան ընթացքում՝ հաշուելով աեղական
պաշտօնական հրատարակութիւններում տուած ա-
ռաջին յայտարարութեան օրուանից (յօդ. 3):

ԶՐԻՑ ՕԳՏՈՒԵԼՈՒ ԻՐԱԻՈՒՆՔՆԵՐԸ ՈՐՈՇՈՂ ԳԱԻԱ-
ՌԱԿԱՆ (ՕԿՐՈՒԺՆՈՅ) ԱՏԵԱՆՆԵՐԻ ՄԱՍԻՆ:

6) Գաւառական (օկրուժնոյ) ատեանները կազմը-
վում են ջրաբաշխինմերի նախագահութեան ներ-

քոյ, հաշտարար միջնորդից (միրավոյ պասրեղնիկից) գաւառապետից (ուեզինի նաչալնիկից) կամ նրա օգնականից և գաւառի բնակիչներից ընտրուած երեք անդամներից:

Ատենի նստին հրաւիրվում է գաւառի ջրաբաշխը (միրաբը) իսորհրդակցական ձայնի իրաւունքով:
Ծանօթաւթեան: Այն աեղերում, ուր հաշտարար միջնորդների (միրովոյ պասեղնիկների) պաշտօնաներ գեռ չեն հաստատուած, գաւառական ատենին մասնակցելու հրաւիրվում են հաշտարար գասաւորների (միրովոյ սուլդիաների) օգնականները:

7) Ատենի ընտրելի անդամ կարող է լինել իւրաքանչիւր չափահաս անձն, որ զատաստանի տակ չէ գտնվում և կամ չէ զատապարտուած այնպիսի յանցանքների համար, որոնց հետեւանքն է զրկումն կամ սահմանափակումն անձնական վիճակի իրաւունքի:

8) Ատենի անդամների ընտրութեան համար ջրերի Վերատեսուչը գաւառը (մահալը. օկրուզը) երեք գաւառակի (ուչաստիկի) է բաժանում: Իւրաքանչիւր գաւառակում ընտրվում է ատենի մի անդամ և մի կանդիդատ (փոխարինող):

9) Ատենի անդամն և նրա փոխարինողը (կանգիդատը) (յօդ. 8) ընտրվում են գաւառակի (ուչաստիկի) գիւղական և քաղաքային հասարակութիւնների ու հողատերերի ներկայացուցիչների ձեռքով:

Գիւղական և քաղաքային հասարակութիւններն ընտրում են ջրից օգտուող իւրաքանչիւր տասը ծուխից մի ներկայացուցիչը. գիւղական հասարակութիւններն — մասնաւոր շինական ժողովներով, իսկ քաղաքայիններն — առանձին, նախագահութեամբ աեղական սութիկանութեան զիսաւորի, Ջրից օգտուող տանտերերի ժողովներով:

Հողատերերի ներկայացուցիչների ընտրութեան կարգը որոշվում է հրահանգներով, որ հրատարակում է Սըրունի Կալուածների Նախարարը՝ համաձայնութեամբ Կովկասու քաղաքական բաժնի Կառավարչապետի:

Գիւղական և քաղաքային հասարակութիւնների և գաւառակի հողատերերի ներկայացուցիչների ժողովն ընտրում է ատենի անդամնն և նրա փոխարինողին (կանգիդատին) ձայների հասարակ մեծամասնութիւնով:

10) Ընտրուած անձն կարող է չընդունել իւր վրայ զրուած պարտականութիւնները, եթէ նոյն իսկ ընտրութեան ժամանակ յայտնէ, որ չէ կարող այդ պարտականութիւնները յանձն առնել:

11) Ատենի անդամների ընտրութիւնները կատարուած է համարւում՝ եթէ նրանց մասնակցել են բոլոր ընտրողաց մի երրորդական մասնից ոչ պահանջութեամբ անձինք:

12) Խնչպէս ներկայացուցիչների նոյնպէս և ատենի անդամների ընտրութեան կանոնաւորութեանց վերահասու է լինում դաւառապետը (ուեղղնի նաշանիկը):

Ատենի ընտրուած անդամներն և նրանց փոխարինողները (կանդիդադներն) ջրաբաշխ-ինժիների ու դաւառապետի (ուեղղնի նաշանիկի) ներկայութեամբ երդվում են հաւատարմութիւնով ծառայելու:

13) Ծառայութեան դէմ գործած յանցանքների համար ատենի ընտրուած անդամները դատաստանի են ենթարկվում նահանգական վարչութեան (գուբերնակի պրաւլենիէ) ձեռքով և դատվում են նահանգական դատարանում (օկրուժնոյ սուդում):

14) Ատենի նիստերը (զասեղանիի) բացուելու ժամանակի և տեղի մասին ոստիկանութեան միջոցով յայտնվում է դաւառի (մահալի) բնակիչներին:

15) Կողմերը (շահ ունեցողները—գործի տէրերը) իրաւոնք ունեն ներկայ լինելու դաւառական ատենի նստին.—գիւղերն—իրենց լիազօր ներկայացուցիչներով, որոնք պէտք է ընտրուած լինին համախօսական վճիռներով, իւրաքանչիւր զիւղից մի անձն, քաղաքային հասարակութիւնները—իրենց լիազօր ներկայացուցիչներով, որոնք պէտք է ընտրուին ոռոգող ջրից օգտուող տանտէրերի հա-

մախօսական վճռով, իւրաքանչիւր հասարակութիւններից մի անձն. պետական վարչութիւնները—ներկայացուցիչ անձանց միջոցով, համաձայն քաղաքացիական դատավարութեան (գրաժանսկի սուլուզիպվուտվի) օրինագրքի 1285 և 1286 յօդուածների, քաղաքներից և գիւղերից առանձին հողաբաժնի տիրապետները—ներկայ են լինում կամ անձամբ, կամ իրենց կառավարիչների, կապալառուների և գործակատարների միջոցով, կամ թէ հաւատարմատարներով, որոնց վերաբերութեամբ գործ են զրվում նոյն օրինագրքի 45—47 յօդուածների կանոնները, մի քանի տէրեր ունեցող կալուածների ներկայացուցիչ են համարվում նստին ներկայ գլունուղ մասնատէրերը:

Կողմերի (շահ ունեցողների—գործ ունեցողների) չը ներկայանալը ատենի գործողութիւնները չէ դադրեցնում:

Ծանօթաւելիւն: Երբ ատեանը քննում է գետից և նրա վտակներից հանած ջրից օգտուելու իրաւոնքները, առանց որոշելու նրանցից հանած առուհանքերի ջրից օգտուելու իրաւոնքները, այդ առուհանքների իւրաքանչիւրի կողմից մի ներկայացուցիչ իրաւոնք ունի ներկայ լինելու: Առուհանքների ներկայացուցիչներին ընտրում են այն անձինք, որոնք օգտվում են այդ առուների ջրից ընտրութիւնը կա-

տարվում է հետևեալ կարգով. — իւրաքանչիւր գիւղ և քաղաքային հասարակութիւն ընտրում է մի ընտրողաներկայացուցիչ, պետական վարչութիւնները մասնակցում են ընտրութիւններին լիազօրների (ուղղունունինի) միջոցով. իսկ մնացած հողատէրերը կամ անձամբ կամ հաւատարմատարների միջոցով, ընտրող ներկայացուցիչների ժողովը ձայնների հասարակ մեծամասնութիւնով ամրող առուհանքի կողմից մի ներկայացուցիչ է ընտրում և այդ մասին կազմում է համախօսական վճիռ (պրիզովոր), որն յանձնում է ներկայացուցչին: Ընտրութեան կարգի այլ մանրամասնութիւնները և ընտրութեանը հըսնելու եղանակը որոշում է Արքունի կալուածների Նախարարը՝ Կովկասու քաղաքական բաժնի Կառավարչական համաձայնութեամբ:

16) Ատեանը ջրի տիրապետութեան իրաւունքի որոշելը սկսում է գետի աւազանի վերին կամ ստորին մասերից, որոյ համար դուրս է զալիս, կարելի եղածին չափ ոռոգման ժամանակում, տեղերը շրջելու և ժողովում է այդ գործի մեջ օգուտ ունեցողների յայտարարութիւնները ու կազմում է արձանագրութիւն (պրոտոկոլ), որի մեջ դրում է բոլոր ցուցմունքները, ստուգելով այդ տեղի ընդհանուր հետազոտութիւնով. Ճանապարհին պատահած փակների ջրից օգտուելու համար ատեանը մի և նոյն կարգով յայտարա-

րութիւններ է ընդունում: Յայտնի կացուցանելով բոլոր պահանջների պատճառուները գետից և նրա վըտակներից օգտուելու իրաւունքների մասին, ատեանը լուսում է բոլոր ներկայ գտնուող կողմերի (գործ ունեցողների — իրաւատէրերի) բացազրութիւնները, քննում է ներկայացրած ասպազոյները, հարկաւոր դէպքում շրջաբնակ անձանց միջոցով հարցուփորձ (գաղնանիա) է անում, լրացուցիչ վերանկատողութիւններ է անում և հարցնում է վկաներին: Յետոյ ատեանը աշխատում է վիճողներին համաձայնեցնել և, եթէ այդ չէ յաջողվում, վճիռ է գնում ուղղող (հող ջրող) ջրից օգտուղ բոլոր անձանց, հասարակութիւնների և հասաւատութիւնների, որոնք գետից և նրա վտակներից ջուր են ստանում, իրաւունքների մասին և նախազահը հրապարակաւ նշանակում է վճուի յայտնութեան օրը, նշանակելով այդ օրը երակու շաբաթից ոչ աւելի ուշ:

Ծանօթութեան: Զրից օգտուող անձի չը ներկայանալու զիսպուածում, նրա իրաւունքները որոշվում են միւս ներկայ եղող անձանց յայտարարութիւններով, նոյնպէս, եթէ հարկաւոր է, տեղի վերանկատողութիւնով, զիւղապետներին (տանուաէրներին — ստարշինաներին) և հարեաններին հարց ու փորձ անելով և այլ այս յօդուածում ցոյց տուած միջոցներով:

17) Ատենի մէջ վճռուող գործերն ազատ են ամենայն տեսակ հարկերից, մինչև անզամ դրոշմաթերթի (գերբովի) հարկից:

18) Գործերի քննութիւնը կատարվում է հըրապարակաւ:

19) Վկաներին հարց ու փորձ անելու մասին կատարվում են քաղաքացիական դատավարութեան օրինազրքի (գրաժանսկի սուլոպրօյիզվօդստվի) 83, 84, 86, 87, 93, 95 և 96 յօդուածներում բացառեալ կանոնները:

20) Շրջաբնակ մարդկանց հարց ու փորձ անելում (դազնանիայ) ատեանը և կամ այն անձինք, որոնց յանձնուած է հարցափորձ անելը, կազմում են տեղական հին բնակիչների ցուցակը, կատարելով քաղացիական դատավարութեան օրինագրքի (գրաժանսկի սուլոպրօյիզվօդստվի) 417 յօդուածում բացադրեալ կանոնները: Ցուցակից ընտրվում են վիճակով 12 մարդ. իսկ եթէ ցուցակի մէջ ընդ ամենն 12 մարդից աւել չը լինին, այն ժամանակ ընտրվում են 6 հոգի: Կողմերը (վէճունեցողները) իրաւունք ունին վիճակով ընարուածներին հարցուիրձից հեռացնել քաղաքացիական դատավարութեան (գրաժանսկի սուլոպրօյիզվօդստվի) 84 և 86 յօդուածներում յայտնուած պատճառներով: Բայց սրանից կատարվում են նոյն օրի-

նազրքի 420, 421, 432 և 435 յօդուածներում բացատրուած կանոնները:

21) Այն գէպքերն, որոնցում ատեանը, քննութեան ընթացքում, որ և իցէ դժուարութեան է հանդիպում, վճռում է յարմարուելով ներկայ կանոնների կարգադրութեանցը և հաշտարար դատարաններում գործ դրուղ օրէնքներին:

22) Ատենի գործողութիւնները, կողմերի (վէճունեցողների) էական բացադրութիւնները, նրանց ներկայացրած ապացոյցները և ցուցմունքները գրվում են ատենի արձանագրութեան մէջ (պրօտօկոլում):

23) Ատենի վճիռներում նշանակվում են.

ա) Այն անձինք, հասարակութիւնները ու հաստատութիւնները, որոնց իրաւունքը ջրից օգտուելու մասին—Ճանաչուած է:

Ծանօթութիւն 1. Եթէ ջուրը առուհանքով հանվում է գետից կամ նրա վտակներից ոչ թէ մի անձի, այլ մի քանի անձանց, հասարակութեանց ու հաստատութեանց օգտուելու համար, այն ժամանակ նրանք նշանակվում են առանց առանձին առանձին իրաքանչիւրի իրաւունքները որոշելու, բացի 32 յօդուածի ծանօթութեան մէջ ցոյց տուած դիպուածից:

Ծանօթութիւն 2. Եթէ հողը, ջրաղացը կամ մի այլ կալուածք, որոնց ջուր է բաց թողնվում, մի

քանի անձանց սեպհականութիւնն է, և բոլոր տէրերն ատենին յայտնի չեն, այն ժամանակ ջրի իրաւունքը գրվում է նրանցից մէկի կամ մի քանիսի անունով, առանց ցոյց տալու, ընդհանուր տիրապետութեան, իրաքանչիւր բաժնատիրոջ հասնելու բաժնի չափը.

բ) Ջրի քանակութիւնը, որ տրվում է օգտուելու անձանց, հասարակութիւններին և հաստատութիւններին, նշանակում է բաշերով և ջրի այն ընդհանուր քանակութեան յարաբերական չափով որ հոսում է զետի որոշեալ տեղով:

Ծանօթութեան: Բաժինը որոշելու ժամանակ հիմք է առնվում զետի կամ առուհանքի որոշեալ տեղում ոռոգման համապատասխան ժամանակաշրջանում ունեցած ջրի քանակութեան միջին չափը:

գ) Թոյլ է տրուած արդեօք ջրից օգտուել մըշտապէս, պարբերաբա՞ր կամ տարուան որոշ ժամանակներին (վերջին երկու դիսուածում ճիշդ որոշվում են օգտուելու կարգը, ըրջանները կամ ժամանակները):

դ) Թոյլ է տրուած արդեօք ջրից օգտուելու իրաւունքը տնային գործադրութեան և անսատունաներին ջուր տալու, ոռողելու (հող ջրելու), մեքենաշարժ գործարանների գործադրութեան կամ որ և է այլ նպատակի համար:

ե) Կա՞ն արդեօք զաւառում (մահալում) կամ նրա առանձին մասերում սովորութիւններ, որոնցով սահմանափակվում են ջրաշարժ գործարանների ջրից օգտուելու իրաւունքները, ամարային ցանքեր անելու և այդիք տնկելու ազատութիւնը:

24) Ատենի պարտաւորութիւնների շրջանից դուրս է, քաղաքների և զիւղերի տանտէրերի ջրից օգտուելու բաժինները որոշելը, մինչև անզամ եթէ նրանց աիրապետութիւնը կալուածքի վերայ լինի ծխական: Այդպիսի բաժինները որոշում են ջրից օգտուող տանտէրերի ժողովները:

25) Ատենի վճիռների մէջ պէտք է բայցարուած լինին այն հիմունքները, որոնցով ձանաչուած է ջրից օգտուելու իրաւունքը վճռուած չափով, ձեռով և վճռեալ ժամանակի ընթացքում:

26) Ատենի վճիռը պատրաստվում է նախագահի վերահսկողութեան ներքոյ և ստորագրվում է ատենի բոլոր անդամներից: Ընտրուած անդամի անդրադիտութեան դիպուածում, վճիռը նրա փոխարէն ստորագրում է նրա խնդրով մի այլ անձն: Առանձին կարծիքներ տալ թոյլատրվում է գործը վճռուելուց յետոյ երեք օրուան ընթացքում: Առանձին կարծիքները պէտք է տրուին նախագահին և կյուին վճռին:

27) Վճռին կցվում է ձանաչուած իրաւունքների

և ջրից օգտուելու կարգը ցոյց տուող ցուցակը (վերդպուտ), որի ձեռք որոշում է Արքունի կարուածների Նախարարը: Ցուցակին ստորագրում են ատենի բոլոր անդամները մի և նոյն ձեռվ ինչպէս և վճռին:

28) Նշանակած ժամանակին վճիռն յայտնվում է ատենի գունբաց նստում ներկայ եղող կողմերին (վէճ ունեցողներին) կարդալով վճիռը և նրա հետ միասին կցուած ցուցակը, մի և նոյն ժամանակ նախագահը բացագրում է՝ թէ ի՞նչքան ժամանակամիջոցում և ի՞նչ ձեռվ կարելի է այդ վճռի դէմ բողոքել:

29) Բողոքները կարող են լինել դրաւոր և բնացի, դրանք ընդունվում են վճռի յայտնելուց յետոյ եօթն օրուան ընթացքում: Բողոքները տրավում են նախագահին կամ ատենի այն անդամին, որը վճիռը կարդալու ժամանակ ցոյց է տուած (անուանուած է): Բերանացի բողոքները զրում է բողոք ընդունողը, կարդում է բողոքողի առաջ և հարկաւոր դիպուածներում թարգմանում է բողոքողին, որ և ստորագրում է. իսկ նրա անդրագիտութեան դէպքում, նրա խնդրով ստորագրում է մի այլ անձն:

Ծանօթութիւն: Ջրից օգտուելու իրաւունք ունեցողների լիազօրները, հաւատարմատարներն ու ներկայացուցիչները, ունին իրաւունք բողոքելու, ևթէ մինչև անդամ նրանց տրուած համախօսական-

ների, հրամանների կամ հաւատարմաթղթերի մէջ առանձին ցուցումն չը լինի այդ բանի: Նրանք համարվում են լիազօր պաշտպաններ իրենց հաւատարմութիւն տուողների շահերի նոյնպէս և գլխաւոր ատեանումն:

30) Նախընթաց յօդուածում որոշուած բողոքներից աւելի մասնաւոր բողոքներ (չաստնի ժալօբա) տալ չէ թյլատրվում; ատենի առանձին անկանոն գործողութիւնները կարելի է ցոյց տալ այն բողոքների մէջ, որոնք տրվում են յիշեալ յօդուածի հիման վրա:

31) Վճռի յայտնելու ութերորդ օրը ատենի դունբաց նստում յայտնվում է, թէ ո՞վ է բողոքել և ի՞նչ են բողոքաւորի պահանջները:

32) Գետի և նրա վտակների ջրից օգտուելու իրաւունքների մասին տրուած վճիռները յայտնելուց յետոյ, ատեանը նոյն իսկ հիմունքներով որոշում է առուհանքերի և նրա ձիւղերի ջրից օգտուելու իրաւունքները (Ճանօթ. 1. 23 յօդ. ա. մասի):

Ծանօթութիւն: Եթէ դժուարութիւններ չը պատահեն միաժամանակ որոշելու գետի և նրա վտակների ու առուհանքների ջրից օգտուելու իրաւունքները, ատեանը այդ իրաւունքների մասին ընդհանուր վճիռ է տալիս:

33) Գետի և նրա վտակների ոռոգելի ջրից

օգտուելու իրաւունքներին վերաբերող վճիռը կոչվում է զլխաւոր, իսկ նյոն գետի և նրա վտակներից հանուած առուհանքների ջրից օգտուելու իրաւունքներին վերաբերող վճիռը կոչվում է կախումն ունեցող վճիռ:

34) Գլխաւոր և կախումն ունեցող վճիռները տրուելուց և յայտնելուց յետոյ, բողոքելու իրաւունքով, առեանը այդ վճիռները խսկական գործերի ու արուած բողոքների հետ միասին ուղարկում է ջրերի Վերատեսչին:

35) Նախընթաց (1—34) յօդուածներում բացատրեալ հիմունքներով առեանը որոշում է լՃերի և այլ առանձին ջրամբարների ոռողող ջրից օգտուելու իրաւունքները:

36) Գաւառի (մահալի) ջրից օգտուելու իրաւունքները որոշող բոլոր վճիռները ջրերի Վերատեսչին ուղարկելուց յետոյ առենի խնդիրն աւարտուած է համարվում ու փակվում է:

37) Ջրերի Վերատեսուչը չէ վերագննում ու ոռղող ջրից օգտուելու իրաւունքները, որ ճառնաչուած են գաւառական (մահալի—օկրուժնոյ) առեանների վճռով. Բայց վերաստուգում է այդ վճիռները միայն աելսնիկական և ձևական կողմից և եթէ նկատում է նրանց մեջ այնպիսի սըխալներ և անկանոնութիւններ, որոնց պատճա-

ռով այդ վճիռը չէ կարելի ճանաչել իբրև. վաւերական և ուժ ունեցող փաստաթուղթ (ակտ), որը հաստատում է ջրից օգտուելու իրաւունքը, այն ժամանակ նա այդ մասին առաջարկում է վճիռը ստանալու օրից մի ամսից ոչ ուշ Գլխաւոր աւենին: Իւր տուած առաջարկութեան տպագրուած պատճէնները տեղական լեզուներով թարգմանուած ուղարկում է գաւառական (ուեզզնի) սատիկանութեանը, գաւառում (մահալում) յայտնելու համար:

38) Գաւառական (օկրուժնոյ) ատենի վճիռն, եթէ նրա մասին չեն հետեւել ոչ վիճողներից բողոքներ և ոչ ջրերի Վերատեսչից նկատողութիւններ, համարվում է զօրութիւն ստացած: Այդ վճիռը նրա հետ կցուած ցուցակների (վեզոմսանների) հետ միասին, ծառացում է իբրև փաստաթուղթ (ակտ), որ ոռողող ջրից օգտուելու իրաւունքը որոշում է: Բայց եթէ կախումն ունեցող վճռի մասին ոչ բողոք է եղել և ոչ նկատողութիւն, իսկ բողոքը և նկատողութիւնը գլխաւոր վճռի մասին է եղել, այն ժամանակ կախումն ունեցող վճիռը զօրութիւն ստացած չէ համարվում:

ԶՐԻՑ ՕԳՏՈՒԵԼՈՒ ԻՐԱԿՈՒՆՔՆԵՐԸ ՈՐՈՇՈՂ. ԳԼԽԱԿՈՐ
ԱՏԵԱՆԻ ՄԱՍԻՆ:

39) Զրից օգտուելու իրաւունքները որոշող զլխաւոր ատեանը կազմվում է նախագահութեամբ թիֆլիզի սուդեբնի պալատի մի անդամի, որին նշանակում է Արդարադատութեան նախարարը, Զրաբաշխական գործերի իրաւագէտ խորհրդականից, առանձին սորա համար նշանակած կովկասու քաղաքական բաժնի կառավարչապետի կողմից մի անդամից և մէկ Զրաբաշխ խմբիներից, որ չի մասնակցել գաւառական ատենի վճռին և որին նշանակում է ջրերի Վերատեսուչը: Կլխաւոր ատենին գործի մասին զեկուցումն տալին ու վճռի զրելը իրաւագէտ խորհրդականին է յանձնվում:

40) Զրերի Վերատեսուչը գործերը յանձնում է զլխաւոր ատենին նրանց մասին եղած բողոքների և նկատողութիւնների հետ միասին: Եթէ բողոքներն ու նկատողութիւններն վերաբերում են զլխաւոր վճռին, այն ժամանակ նրանց հետ միասին յանձնվում են և կախումն ունեցող վճիռների գործերն ել, այն դիպուածի համար, երբ հարկաւոր լինի վերջիններին մէջ փոփոխութիւն անել: Եթէ բողոքներն ու նկատողութիւնները վերաբերում են կախումն ունեցող վճիռներին, զլխաւոր վճռի գործն յանձ-

նըլվում է զլխաւոր ատենին միայն ի կշռադաառւթիւն:

41) Կլխաւոր ատեանը նիստերը (զասեգանիա) բաց է անում ջրի գաւառի (մահալի) սահմանում ըստ կարելյն մահալի կենտրոնական տեղում: Նիստի բացման տեղի և ժամանակի մասին բնակիչներին իմաց է արվում ոստիկանութեան միջոցով: Բողոքողները կանչվում են կոչնագրերով:

42) Կլխաւոր ատենի մէջ բացալրութիւններ տալ թոյլ է տրվում ինչպէս բողոքաւորներին, նոյնպէս և միւս կողմերին (յօդ. 15 և ծանօթ. 29 յօդ.):

43) Գործերի քննութիւնը տեղի է ունենում այն կանոններով, որ սահմանուած են գաւառական ատեանների համար. բայց 16 յօդուածում բացալրուած կանոնը դաւառը (մահալը) շըրջելու և ջրից օգտուելու իրաւունքի մասին յայտարարութիւններ ընդունելը սրան չէ վերաբերում:

44) Կլխաւոր ատեանը կողմերի (վէճ ունեցողների) գանգատը կամ ջրերի Վերատեսչի նկատողութիւնը օրինաւոր ձանաչելուը յետոյ, համապատասխան փոփոխութիւններ է անում գաւառական ատենի վճռի մէջ:

45) Ճանաչուած իրաւունքների ցուցակի մէջ, որը կցուած է զլխաւոր ատենի վճռին, ներմուծվում են (զրւում են) ինչպէս գաւառական ատենի

Ճանաչած այն իրաւունքներն, որ գլխաւոր ատեանը անփոփոխ է թողել, նոյնպէս և այն իրաւունքները, որ ճանաչել է գլխաւոր ատեանը:

46) Գլխաւոր ատենի վճիռներն ու նրանց հետ կցուած ցուցակները (վերօմատները) համարվում են իբրև փաստաթղթեր (ակտեր), որոնք որոշում են ոռոգող ջրից օգտուելու իրաւունքները և յանձնվում են բոլոր իսկական գործերի հետ ջրերի Վերատեսչին պահպանութեան և այդ վճիռներից և նրանց կցուած ցուցակներից պատճեններ տալու համար: Գլխաւոր ատենի առօրինի վճիռների դեմքողները և գործը կրկին քննելու (վերազնելու), նոր յայտնուած հանգամանքների պատճառաւ, խնդրագիրը, տրվում է կովկասու քաղաքական բաժնի Կառավարչապետին, որը իւր եղբակացութիւններով ներկայացնում է Կառավարիչ Սենատի առաջին դէպարտամենտի հայեցողութեան և այն դիպուածում: Երբ Սենատը այդ բողոքը կամ խնդիրը յարգելի է գանում, գործը յետ է գարձնում գլխաւոր ատենին նորից քննելու (վճռելու) համար: Յիշեալ բողոքների և խնդրագրերի տալը չէ դադրեցնում կայացած վճռի գործադրութիւնը:

47) Ամբողջ գաւառում (մահալում) ջրից օգտուելու ճանաչած իրաւունքների ցուցակները (վերօմատները) տպվում են ջրերի Վերատեսչի կար-

գաղրութիւնով և նրա սեփհական ու իրաւագէտ խորհրդականի (իւրիսկօնսուլտի) ստորագրութիւններով մի ընդհանուր տետրում բոլոր գաւառի (մահալի) համար, ուղարկվում են գաւառի (մահալի) բոլոր զիւղական կառավարութիւններին և արվում են որոշուած գնով գործին մասնակցողներին նրանց խնդրի համաձայն:

Ցուցակների քաղուածքները, որ վաւերացրած են ջրերի Վերատեսչի և իրաւագէտ խորհրդականի ստորագրութիւններով, ծառայում են իբրև վկայականներ ոռոգող ջրերից օգտուելու իրաւունքների և ապացոյներ են (փաստաթղթեր) այդ իրաւունքներին վերաբերեալ վէճերը վճռելու ժամանակ:

Մասնակցողների (շահ ունեցողների) խնդրով ջրերի վերատեսուչը տալիս է նրանց ժամանակաւոր ատենի վճիռների պատճենները (կօպիէքը), իւրաքանչիւր թերթի արտագրութեան համար 50 կոպէկ վճար ստանալով:

ԴԵԿԱՏԵՄԲԵՐԻ Յ-ԻՆ 1890 ԹՈՒԻ Բ.Ա.Ր.Զ.Ր.Ա.Գ.Ո.Ց.Ն
ՀԱՍՏԱՏՈՒԱԾ ՊԵՏԱԿԱՆ ԽՈՐՀՐԴԻ ԿԱՐԾԻՔԸ ԱՆԴԻ-
ԿՈՎԿԱՍՈՒՄ ՀՈՂԵՐԸ ՈՌՈԳԵԼՈՒ ԶՐԵՐԻՑ ՕԳՏՈՒԵԼՈՒ
ՄԱՍԻՆ:

III. Ի լրումն պատժական կանոնադրքի (ուղոժենիյէ
օ նակազանիախ) համապատասխան մասերի և օրի-
նագրքի այն պատիժների (ուստաւ օ նակազանիախ)
որ սահմանում են հաշտարար դատաւորները (մի-
րովոյ սուղիէքը), կարգադրել.

Ինքնակամ կամ հակառակ ջրերից օգտուելու
համար սահմանուած կանոնադրութեան օգուտ քա-
ղողներն այն ջրամբարներից, որոնց վրայ տարած-
վում է Անդրկովկասում հողեր ոռողելու ջրերից
օգտուելու մասին սահմանուած կանոնադրութեան
գորութիւնը, իբրև յանցաւոր ենթարկվում են բան-
դարկութեան (արէստի) ոչ աւելի քան մի ամիս ժա-
մանակով, կամ դրամական տուգանքի ոչ աւելի 100
ռուբլուց: Այդպիսի պատժի կ'ենթարկուին նաև
այն յանցաւորները, որոնք —ա) անմաքրութիւնով
կը լցնեն յիշեալ ջրամբարները, կամ թէ անասուն-

ներ կը քշեն նրանց մէջ, կամ կենդանիներին անց
կը կացնեն այնպիսի տեղերով, որ դրա համար չեն
նշանակուած. բ) չեն կատարիլ կամ որոշուած ժա-
մանակին չեն հասցնիլ այն աշխատանքները (շի-
նութիւնները) կամ ուրիշ պարտականութիւնները,
որ վերոյիշեալ ջրամբարների կամ ոռոգման շինու-
թիւնների պահպանութեան համար են. գ) այն-
պիսի ցանքեր և տնկեր կ'անեն, որ արգելուած են
այդ ջրամբարների պահպանութեան համար հաս-
տատուած կանոններով. և դ) կը խանգարեն Անդր-
կովկասում տեղացիների ոռոգմանը կամ հեղեղնե-
րից ազատելու յարմարեցրած միջոցները (շինուած-
ները) և ամենայն տեսակ այս նպատակին ծառայող
տուանձին շինութիւնները, բացի նրանցից, որոնց
խանգարումը նախատեսուած է պատժական կանո-
նագրքի (ուղոժենիայ օ նակազանիախ) 1087 յօդուա-
ծում:

